



御選明詩卷第八十三目錄

七言律詩十六

周世選一首

許國二首

林如楚二首

歸有光三首

袁尊尼一首

何洛文一首

許相卿一首

王嘉言一首

皇甫冲一首

皇甫孝一首

皇甫汭十三首

皇甫濂一首

馮惟健一首

馮惟敏一首

馮惟訥三首

侯一元二首


栗應宏一首

高岱四首

何良俊二首

金大車三首

御選明詩 卷八十三 目錄



金大輿三首

文彭一首

文嘉一首

蘇濂一首

蘇澹二首

張獻翼一首

張燕翼一首

李攀龍十五首

王世貞二十九首

王世懋五首

謝榛十三首

御選明詩

卷全

目錄

梁有譽十首

徐中行九首

吳國倫八首

御選明詩卷第八十三

七言律詩十六

周世選

秋暮旋自西村道經衛河

野望平蕪秋色闌
疎雲斜照鴈南天
臨風楊柳流霜葉
夾岸村墟起暮煙
漁唱寒汀孤棹迴
笛聲衰草幾人旋
籃輿遠道催歸思
籬菊噴香正爛然

許國

月夜集余太史宅觀白芍藥

冰姿綽約照人寒
錦席淹留盡客歡
上苑名花春後得
美人遙夜月中看
高歌脫帽狂呼酒
半醉移燈數倚闌
御選明詩
卷八十三 周世選 許國 林如楚
一
明日還來可乘興
莫教風露暗摧殘

秋聲

銀漢滄浪淨碧空
天街一葉下梧桐
霜前淒切兼砧杵
月裏悲涼斷塞鴻
何處羈人驚伏枕
幾回中夜感飄蓬
繇來志士輕搖落
莫向西風憶桂叢

林如楚

春情

鳳樓十二倚窗開
楊柳如煙拂鏡臺
瑤瑟夜深還獨奏
舞衣春至爲誰裁
雙雙乳燕穿梁入
點點飛花入戶來
織得錦紋無用處
夢魂空繞白龍堆

秋聲

纔驚浙浙轉蕭蕭散入寒空萬里遙暮雨數枝湘岸竹
涼風八月廣陵濤靜分梵宇搖金鐸虛度秦樓引玉簫
黃葉滿窗欹枕倦更堪鳴鴈落煙霄

歸有光

西苑觀刈麥

御苑清風正麥秋金輿晚出事宸遊兩岐凝露垂黃茂
萬斛連雲際麥疇先爲祈年多瑞雪節來甘雨應玄脩
豐穰美報非無事粒粒曾關聖主憂

賞荷次韻

碧池清泚漾天香滿眼芙蓉似水鄉映日新粧爭綽約
迎風小舞稱清狂須酬佳客千杯綠無奈明時兩鬢蒼

御選明詩

卷十三

林如楚

歸有光

袁尊尼

二

向晚乘涼各歸去一天明月浸滄浪

鄭家口夜泊次俞宜黃韻因懷昔年計偕諸公

飛沙竟日少光輝浪急風高月色微爲憶舍桃催物候
尚淹行李未春歸吳歌獨自彈長鈇楚製堪憐著短衣
還往常經鄭家口當時同伴共來稀

袁尊尼

春暮

乳燕流鶯相和鳴曉風吹滿送春聲桃花落盡千溪煖
柳絮飛殘幾樹輕紫陌青驄回首恨朱簾粉面斷腸情
少年已去如無及爲語游絲莫謾縈

何洛文

遊石湖遂登上方寺

山色湖光本自妍
冶遊況是暮春天
帆開塔影沉菰浦
風細花香入酒船
簫鼓沸時鷗鷺起
星河動處水雲鮮
憑將謝朓詩中景
總向王維畫裏傳

許相卿

除夕感懷

酒冷香銷夢不成
逼人殊覺歲崢嶸
老如舊曆渾無用
醉戀殘燈亦暫明
雪霰已應隨臘盡
梅花寧復與春爭
向來筋力虛名盡
白髮無愁也自生

王嘉言

送錢祠部以德守真定

御選明詩

卷十三

何洛文

許相卿

王嘉言

三

郊原同餞戀芳樽
攜手河橋離思繁
幾載爲郎馳妙譽
一朝出守荷殊恩
雲開恒岳懸飛蓋
月照漳河擁畫旛
儒雅由來光吏治
不妨乘暇倒詞源

皇甫冲

送劉朝甫還吳

同遊心事已成非
忍向都亭復送歸
二月渾河冰尚合
三春禁柳色猶微
舊來道路愁能記
此去音書憶到稀
極目輕舟雲水上
別君那得不沾衣

皇甫湜

晚興

悵望林巒返照微
渚煙江樹淨冬輝
籬邊黃菊人方逸

湖上青山興不違斜月暗催漁唱起片雲遙伴鶴飛歸
近來好事相過少落盡寒霞獨掩扉

皇甫汸

暮春雨後病遣

庭閒坐對日仍斜邑小猶堪早放衙已過一春纔見燕
乍來微雨亦驚花桑麻自擬勞民事桃李何緣競物華
正是茂陵多病骨好從勾漏覓丹砂

南省齋居

漢家祀典盛如今幾處郊宮駐輦深燕月懸知臨太乙
淮流爭得向汾陰齋居宛記分蘭省禁衛仍聞集羽林
靜數從臣枚朔輩同時零落忽傷心

御選明詩

卷之三

皇甫汸

皇甫汸

四

荅蔡子木初秋約遊之作

官閒似與病相宜朝謁俱無起獨遲禁院蟬聲移物候
空山木葉報君知薄遊丘壑何嘗廢雅興琴書每自隨
聞說潘生歸騎省却因詞賦動秋思

七月六日訪蔡比部作

中郎身寄白雲司戶近青山秋早知樹下聞琴蟬噪後
花間倒屣客來遲迢迢榆漢雙星待冉冉蘿陰滿徑垂
行樂漸宜清夜永從君秉燭向南皮

同王子集蔡子館

相逢西府訝初筵爲語當時一惘然戶下鳴蜩頻帶雨
湖邊落木似催年人傳台嶽題詩後客向長沙奉召還

機事對君渾遣盡莫嫌爭席主人前

春暮索居

棲息無能出世塵青山何處可藏身
還期向子招禽慶爲報支公待許詢
靜對鶯花思舊事忽驚風雨送殘春
朝來閉戶多相戲猶自含毫擬荅賓

金陵懷舊

平生踪跡半京畿別去秦淮歲屢違
道上投珠多按劍市中擊筑幾沾衣
寺尋白社僧猶在宅訪青溪客已非
莫學隴西逢醉尉夜深愁向霸亭歸

普德寺

古寺城南訪六朝高臺一望幾蕭條
門前黃葉催年暮

御選明詩

卷之三

皇甫沔

五

林外青山覺路遙塔影常圓沙苑月
鐘聲靜帶楚江潮老僧宴坐耽禪定
送客何曾過虎橋

送王戶曹擢九江守

甘泉獻賦早知名才子爲郎在兩京
闕下承符初出守郡中森戟已相迎
空庭廬嶽晴雲色燕坐潯陽江水聲
試覓古來循吏傳幾人年少寄專城

赴丹陽廣福寺與弟言別

寺在練湖傳爲日光佛靈異而建上有第十一泉名玉乳云

古寺碑題西晉年澄湖如練倚窗前
寒雲自覆金光殿
荒草猶埋玉乳泉
楓葉染霜秋後色
雨花和梵夜中禪
亦知閱水同觀世不奈潮聲送客船

送馮咸甫孝廉北上

漢時世濟數諸馮，今代家聲晚更雄。
忽枉新詩憐小謝，已無故友似嵇公。
直臣曾抗批鱗疏，俠士猶存彈鋏風。
射策入朝逢內侍，指看折檻在墀中。

錢江夕泛舟人因指括蒼感賦

冬霽寒輕樹未凋，丹楓江岸似花饒。
半帆布影懸初月，幾處漁燈點落潮。
慢世不將辭賦賣，端居何用簡書招。
白雲東望蒼山路，曾記當年誤折腰。

鴈宕

千山行入鴈山中，猶道仙源路未通。
鐘落風濤知近海，衣生香霧若凌空。
奇峯指點憑僧話，幽壑攀躋只鳥同。
別向龍湫訪飛瀑，一林晴雨石梁東。

御選明詩

卷十三

皇甫汭

皇甫濂

馮惟健

六

皇甫濂

啟關

長日齋心解息機，聊堪經月掩衡扉。
忘言客難將誰設，避地車塵亦自稀。
蟬寂松風還易聽，雀驚荷露定難依。
朝來爭席猶相笑，却信人間事轉非。

馮惟健

歸讀書處作簡汝威弟

城南書舍復相違，身外浮名有是非。
若得羽翰遺世網，定應猿鶴老柴扉。
泉鳴花徑時垂釣，日到松梢自曝衣。
王子夜深乘月色，山頭吹把玉簫歸。

馮惟敏

石頭城有懷

石頭城畔枕寒潮坐聽疎更夜寂寥生計已擽尋舊隱
窮年猶自滯歸橈空悲浪跡淹三楚無復傷心問六朝
稷下故人知健否何時散步汶陽橋

馮惟訥

秋日同參伯邵公遊鳳凰山

鳳凰高閣俯晴空萬里蠶叢此路通遠近川原秋色裏
參差草樹夕陽中尊前舞袖翻霜葉天外清笳咽塞鴻
回首舊遊成夢隔獨將遲暮歎征蓬

至都始見峻伯留宿解舍識喜

可憶毗陵夜雪船亂帆相背各風煙探囊詩卷行堪把

御選明詩

卷三

馮惟敏

馮惟訥

侯一元

七

計日心期又隔年秉燭更疑成別夢當杯翻怯近離筵
同遊自昔多豪彥獨對狂歌倍黯然

秋日寄懷家兄

燕山落木鴈來遲遠客南歸未有期明月雙懸江海淚
秋風一寄鶴鴒詩淹留賈誼才無敵漂泊馮唐鬢欲絲
最是昭王遺恨處黃金臺上草離離

侯一元

贈王督學

長江千里白波來畫舫風輕五兩催新雨曉看雷澤漲
冰壺秋映洞庭開洲前落月聞湘瑟峽外雲飛見楚臺
辭賦郢中應一變漢家方重馬卿才

舟次感懷

江城久客鬢垂絲故國長年入夢思老大總非童穉日
川原猶是釣游時笛中朋舊今誰在鏡裏衰顏轉自疑
安得相隨慶禽侶雲山采藥任吾之

栗應宏

龍山別業即事

葺屋空林伴翠微柴門無事柳依依隔年藥物頻宜日
近午茶煙欲上衣山郭歲時流水舊野堂風雨到人稀
興來獨步多尋賞爲問茅君理息機

高岱

詠鸚鵡

御選明詩

卷八

一

栗應宏 高岱

八

一入深籠損翠衣隴雲秦樹事全非月明萬里歸心切
花落千山舊侶稀棲傍玉樓春晝永夢回金瑣曙光微
翩翩海燕群相趁簾幔風高得意飛

汪正叔席上對菊別子畏

清宵虛館絕紛華霜滿高城咽暮笳尊酒放歌俱白雪
風塵愁鬢又黃花幽懷共擬淵明宅遠道堪憐博望槎
此去逢春多塞鴈莫言巫峽是天涯

秋夜送梁舍人奉使便道歸嶺南

沈沈宮漏夜霏微風灑離愁動客衣仙掌乍分秋色去
征帆遙帶月明歸路經庾嶺梅花發天入衡陽鴈影稀
尊酒薊門須盡醉明朝空惜故人違

送徐荊州

中原形勝古荊州
露冕看君此壯遊
十載共淹長樂漏
一麾今賦仲宣樓
雲開夢澤浮空盡
水到巴江入楚流
應念故人頭盡白
風塵猶自滯貂裘

何良俊

與張玄湖夜飲醉歸用韻

總爲繁華住舊京
尊前花朵照人清
楊枝鬪舞全無力
桃葉傳歌慣有情
閱世堪悲惟逝水
喚人行樂是流鶯
莫辭醕酌歸來晚
殘月依依下石城

春日花前聽李節箏歌作張王屋黃質山每誇

余以歌館之樂書貽之并要和篇戲呈紫岡兄

御選明詩

卷八

高俊

何良俊

金大車

九

瘦鶴支離病客身
黃鶯嬌小帝城春
花前莫遣清尊歇
頭上應添白髮新
縱飲已忘身外事
當歌且惜眼中人
秦淮花月如天上
幾欲乘槎一問津

金大車

寺中苔高近思

曾向長干寺裏來
高情逸興愧君才
夜壇得句驚山鬼
秋壁穿雲破徑苔
明月聽簫緱氏嶺
芳春對雨越王臺
重來往事如流水
笑指山桃五度開

雨花臺觀月

高臺上與碧雲齊
坐看冰輪出海西
吳苑參差雙闕迥
楚天高闊萬峯低
燈懸村落昏初見
帆出江煙遠欲迷

疑向廣寒歸路晚滿身風露夜淒淒

贈蔡內翰九達

清朝散吏鬚毛斑江左詞人數往還綵筆調高追漢代
玉堂官冷壓仙班醉攀春柳晴看月卧放晨衙早閉關
他日思君尋舊隱荷花衝雨洞庭山

金大輿

秋日與徐比部宿棲霞寺雲谷僧房

仙郎乞假白雲司
蹙向東林問遠師
仄徑蟲喧秋露後
空堂人語夜燈時
天花不著山中樹
細水爭流石上池
灰劫莫教傷往事
且看明月倒金卮

客舍病中懷康裕卿兼寄顧氏兄弟

御選明詩

卷全

金大車

金大輿

文彭

十

越客僑居建業城
白門花月幾同行
別來窮海青春歇
望入長天暮靄生
離恨自驚隨積草
鄉心翻厭聽流鶯
虎頭兄弟追歡日
應念文園病馬卿

寄升菴先生

人日梅花自可憐
折來誰爲寄西川
八行欲附銅魚使
四海爭謠白雪篇
滇水山川增氣色
錦江花柳隔風煙
何時一棹穿巴峽
得就揚雄問太玄

文彭

題溪南別業

西溪溪水深不流
溪南更築林堂幽
會心自有濠濮想
乘興不數山陰舟
一簾暮雨足吟眺
萬疊春山作卧遊

主人縱有蒼生寄清夢依然狎白鷗

文嘉

天池

天池之山今始到仰首忽見蓮花峯池水潺湲瀉琴筑
石壁截業開芙蓉春疇連延麥初熟暮嶺迴合煙已重
肩輿催予下山去悔不此地巢雲松

蘇濂

寄北山李壘卿

客裏逢秋倍憶鄉裁詩遙寄鴈南翔東山樂事攜紅袖
西閣才名溢縹囊舊雨故人空在望新豐美酒共誰嘗
猶聞聖主思者碩尚問先朝尚壘郎

御選明詩

卷八三

文嘉

蘇濂

蘇澹

二

蘇澹

莊上閒居

苦柏叢篁與屋齊野雲常宿藥欄西鷗情久定看春鴈
鶴夢初驚怪午雞葉溜每令山犬吠月明常賺夜烏啼
隔橋景物應如待日引幽人過鹿谿

夏日閒居

繩牀瓦枕興偏賒靜檢芸編玩物華蝶夢殘香散靄
鳥聲不斷樹籠霞林墟乍迸翁孫竹籬落齊開姊妹花
便託瑤琴奏清賞南薰早爲過山家

張獻翼

有所思和黃吉甫

鴛鴦七十自成雙翠袖紅顏映碧瀧淮水有時邀玉笛
秦樓無伴對銀缸梨雲入夜常飛夢桃葉乘春欲渡江
相望本無千里隔共看明月照寒窗

張燕翼

送仲氏之南都

鴿原思別惜依依洛下憑誰薦陸機池上夢隨芳草去
江干心逐片帆飛愁添旅食頻彈缺葉落空園靜掩扉
欲識倚門情更切白雲回首是庭幃

李攀龍

郡城西樓

使君杯酒郡西樓倚檻高臨落日愁河朔浮雲連巨麓
御選明詩

卷之三

張獻翼

張燕翼

李攀龍

三

太行春雪照邢州自憐叔夜常多傲無那相如故倦遊
畫省少年人所羨風塵豈亦念淹留

青蘿館

湖上高齋此一時垂蘿四面繞茅茨欲令何處紅塵入
可道窺人片月疑色借古松成遠勢意含幽石有餘姿
空傳蔣詡開三徑不遇求羊那得知

送皇甫別駕往開州

銜杯昨日夏雲過愁向燕山送玉珂吳下詩名諸弟少
天涯宦跡左遷多人家夜雨黎陽樹客渡秋風瓠子河
自有呂虔刀可贈開州別駕豈蹉跎

懷子相

薊門秋杪送仙槎此日開樽感歲華卧病山中生桂樹
懷人江上落梅花春來鴻鴈書千里夜入樓臺雪萬家
南粵東吳還獨往應憐薄宦滯天涯

送趙戶部出守淮陽

仙郎起草漢明光幾載軍儲事朔方五馬新爲淮海郡
三臺舊署度支章行車麥秀隨春雨卧閣花深對夕陽
時憶上林詞賦客鴻書遙下楚雲長

同元美子與子相公實分賦懷太山得鐘字東

順甫

域內名山有岱宗側身東望一相從河流曉挂天門樹
海色秋高日觀峯金篋何人探漢策白雲千載護秦封

御選明詩

卷之三 李攀龍

三

向來信宿藤蘿外杖底西風萬壑鐘

郡城樓送明卿

徙倚高樓問索居故人湖海意何如尊中十日平原酒
袖裏三年薊北書大麓夏雲當檻出石門寒雨過城疎
明朝遠道空相憶那得仍停長者車

重送山甫

短髮蕭蕭日影孤清秋秋色又皇都百錢杖底猶懸否
片刺懷中好在無老去他鄉唯藥物愁來佳句滿江湖
只言倒屣尋常事不是燕山舊酒徒

登黃榆馬陵諸山四首是太行絕頂處

錄三首

太行山色倚巔峴絕頂清秋萬里看地拆黃河趨碣石

天迴紫塞抱長安悲風大壑飛流折白日千厓落木寒
向夕振衣來宿雨關門蕭瑟罷憑欄

西嶺高秋大陸前馬陵寒影踏遙天群峯不斷浮雲色
絕嶂長留落日懸地險關門銜急峽山奇削壁挂飛泉
何人更遇青泥飯有客空歌白石篇

西來山色照邢襄北走并州擁大荒巨麓秋陰沙渺渺
石門寒氣雨蒼蒼天邊睥睨窺句注樹杪飛流挂濁漳
搖落故人堪極目朔風千里白雲翔

送許右史

少年裘馬日紛紛老去誰應更識君酒態美如嵇叔夜
詩才清似沈休文曳裾忽動梁園雪飛蓋兼停鄴下雲
御選明詩

卷之三 李攀龍

十四

試向樽前看過鴈春風那不念離群

與友人登郡樓二首得秋字雲字

開軒萬里坐高秋把酒漳河正北流自愛青山供使者
誰堪華髮滯邢州浮雲不盡蕭條色落日遙臨睥睨愁
上國風塵還倚劔中原我輩更登樓

搖落高樓此對君天涯不復有離群銜杯大麓來秋色
倚檻邢臺過白雲樹杪人家漳水出城頭風雨太行分
極知今日同王祭賦就還應鄴下聞

子與病起移書二美吳下群賢爰修禊事踴躍
勝遊遙爲屬寄

伏枕經春憶舊遊永和三日命扁舟一時藝苑人亡恙

千載蘭亭事可求
吳下山川何醞藉
王家兄弟本風流
獨憐搦管傳觴處
有客中原自白頭

王世貞

柳洲亭即事

紫微分館曲城阿
碧甃朱欄奈勝何
一一芙蓉爭插漢
雙雙舴艋戲回波
煙將暝色歸蘿薜
風引歌聲出芰荷
今日吳興使君道
柳洲佳較白蘋多

金山與送者飲別登舟作

江天高閣倚巍峨
惜別猶呼金叵羅
送客總歸唯月在
遊人欲老奈山何
才聞出夾吳音少
稍入中流楚調多
爭道壯遊官亦得
不知吾意已蹉跎

御選明詩

卷之三

李攀龍

王世貞

五

桂花

五嶺秋清瘴欲消
尉佗城外鎖峒峩
金鵝岫暖花爭發
玉兔宮寒葉未凋
明月自吹靈隱粟
白雲誰誦小山謠
天香莫怪誇君採
曾躡仙人上漢橋

鴛鴦

翠領文綃淺著緋
軟波芳渚自依依
生憐蕭史前身定
長向韓朋故冢飛
璧月聯窺秦殿瓦
銀燈雙上竇家機
煙波最好翻新曲
聽罷吳儂並手歸

夏日同僚友遊崔都尉山莊分韻

尺五高臨杜曲天
況逢三伏勝遊偏
夾堤楊柳涼全得
出水芙蓉曉故鮮
南國煙波開檻外
西山風雨落尊前

誰家暗度秦臺引回首朱門月可憐

于鱗邀登郡樓分韻得秋字

使君杯酒一登樓倚檻蕭條木葉愁不盡天風吹大陸
何來嶽色滿邢州匣中星動雙龍夜柝裏寒生萬馬秋
爲問郡曹諸記室幾人能並李膺遊

迴瀾臺馮廷尉南江築在雲間第一橋外

欲識先朝馮野王高臺宛宛水中央爲憐游鳳金陵地
猶帶棲烏御史霜起傍北辰瞻北闕望依南斗憶南荒
請看喬木連雲起不似蓬池多慨慷

載用廷尉長公京兆君韻

卜築初成萬象開高風不讓景夷臺九峯雲氣時時合

御選明詩

卷之三

王世貞

六

三泖波光面面來共道將軍人似樹宛然仙尉市名梅
狂瀾砥柱當年事感舊懷賢首重回

履省任後之吳興部戲作

縱然名姓墮塵寰身比闍黎可較閒錫杖乍飛天竺寺
芒鞋還踏道場山三生公案聊須檢十部除書了不關
細雨斜風應便住故鄉原在一帆間

遊南高峯

從遊指點南高勝躡屩攀蘿興不賒晝裏餘杭人賣酒

可以望餘杭城中

鏡中湖曲棹穿花千巖半出分秋雨一徑微明

逗晚霞最是夜歸幽絕處疎林燈火傍漁家

初自彭城山行聞鶯

水宿逶迤不計程有無春事未分明白門渡口逢三月
黃鳥行邊始一聲向向清時稀感慨官因遲暮減心情
祇園桃李花如錦祇爲遊人特底生

贈馮咸甫

汝向玄都禮赤文吾從彩筆覩青雲魚歌不惜齊南鉞
驄步終空冀北群諫院世傳真御史陪京人頌大馮君
亦知忠孝而家事可但詞場第一勛

徐二公子邀與陸司寇吳司空遊東園

六月冰壺生晝涼侯家池館勝平陽樓頭霽色開鸚鵡
臺下新雲似鳳凰客詫郇公厨味好人驚衛尉廁衣香
不煩投轄深相挽小舫青油繫綠楊

御選用詩

卷之三 王世貞

十一

送瞿師道太史使大梁周藩

長安草色上鳴珂繁吹春調四牡歌太史授圭開赤社
宗藩如帶指黃河天邊漢節蛟龍繞雪後梁園鴻鴈多
上客知君頻授簡鄒枚詞賦未應過

戚大將軍入帥禁旅枉駕草堂賦此贈別

初聞小隊駐吳江忽漫花溪隱畫艘細柳尚虛金鎖甲
前茅時緩碧油幢南中舊部思馳義塞上新城喜受降
儻寫雲臺須第一如論國士總無雙

履善比部歸自嶺右賦此問之

聞君八月下牂牁銅柱天荒使者過桂嶺風來秋色早
盤江木合瘴煙多蠻童夾道誇椰酒蠻女穿花出櫂歌

向識子雲奇字擅近來詞賦更如何

送狄行人使蜀藩

隱隱寒星度永安迢迢節使下金鑾錦江新水迎船發
石棧浮雲騎馬看梧葉舊餘周典禮蠶叢爭識漢衣冠
壯游詞賦應歸汝對酒毋歌蜀道難

喜吳山人過訪村居

出塞吹笳馬上聽薊原春草又凋零相逢門巷淹今雨
垂老江湖混歲星醉後放歌雙眼白愁時拂袖萬山青
何當謝却人間累五兩追攜下洞庭

游虞山拂水巖

鬱盤蒼翠有千株絕頂肩輿興自扶天闢陡崖如擁劍

御選明詩

卷之三

王世貞

一八

風迴飛瀑盡含珠山僧偈向巢間發湖妓粧從鏡裏鋪
逢勝便思雲臥穩未須投暝問樵夫

登金山

青螺激灩水晶盤斗削風煙面面看地湧樓臺千蜃結
天迴波浪六鰲蟠山形自挾秋雲壯海色遙將曙日寒
恍忽龍宮吟嘯起何人玉笛倚欄干

秋日病中書懷

散帙高秋病骨清科頭聊復罷將迎眠過半壁紛紛影
坐數空林葉葉聲末路行藏難任性中年哀樂易關情
東鄰判負黃花約酒債朝來頗漸輕

祈雪齋居次峻伯寅長韻

畫省森沈坐掩門齋心應自遠塵氛僊郎曲調裁春雪
武帝祠壇禮白雲天闔苑鐘空外度夜寒宮漏夢中分
栢梁何限豐年頌今日瓊瑤祇報君

丁巳春余以青臬朝衡王賜宴殿中大雪有述
使者相逢玉樹留君王設醴殿東頭鱗鱗積素分鴛鴦
片片飛花點翠裘上客無慚梁苑對何人不羨雪宮遊
醜顏緩傍雕欄出欲唱陽春自寡酬

同徐汝思登雲門山作

芙蓉削立郡城西躡磴捫蘿徑欲迷忽有青天穿箭括
初疑壁月挂瑤梯雲根半壓千峰小海氣遙吞萬堞低
搔首狂歌吾不厭莫驚風雨妬新題

御選明詩

卷八三 王世貞

一九

登岱六首 錄二首

軒轅皇帝有高臺鞭石千秋輦道開匹練天縈吳觀出
金泥日射漢封回西盤瓠子河如帶東挂扶桑海一杯
誰爲登壇論王氣祇應塵世有僊才

尚憶秦松帝蹕留至今風雨未全收天門倒瀉銀河水
日觀翻懸碧海流欲轉千盤迷積氣誰從九點辨齊州
人間處處襄城轍矯首蒼茫迴自愁

游大司寇顧公箬溪書院分韻

壺觴選勝一從容負郭堂開面面峰地擁菰城橫翡翠
天迴箬水浸芙蓉敢從門外題凡鳥曾向雲間識卧龍
抱日蒼虬雄對舞主人親植兩株松

石峭亭虛瞰碧空振衣長嘯許誰同千林瀑過初疑雨
萬葉秋歸自起風洛下名流唯白傅襄陽耆舊有龐公
仍聞東閣開高宴不爲登臨興易窮

游木犀嶺得峰字

酒榼琴囊到處從風微桂嶺晝溶溶億身金粟光能滿
十里旃檀氣已濃靈隱不隨明月墮小山長愛白雲封
狂來一鼓三秋曲亂插繁花過別峰

王世懋

春日集袁魯望齋中遇雪得先字

高齋寒色似春前坐裏梅花慰別筵不盡黃昏迷海月
長吟白雪醉吳天梁園此夜傳觴促金谷何人得句先
御選明詩 卷之三 王世貞 王世懋 三
爲報袁安休獨卧浮沉我輩總堪憐

天池夜月

華池秋歛玉波停絕壑松濤壯地靈萬頃晴雲湖上白
千峯落日醉中青支頤坐印蓮花石欹枕還聽貝葉經
酒罷不須愁欲暮自留山月照人醒

復出莆陽即事因之有懷家兄

五馬驂驔又復東劇憐行色有壺公江湖不雨常生白
山葉無霜也自紅野店風腥魚市近官橋石老蠓房空
亦知橘柚榮堪寄只是長天少片鴻

登馮廷尉迴瀾臺

當年抗疏比朝陽此日登臺憶鳳皇拒浪獨懸天一柱

溯流常在水中央
江空夜唳華亭鶴
柏老秋凝御史霜
歌罷迴瀾氣蕭瑟
至今蛟蜃不能狂

橫塘春泛

吳姬小館碧紗窗
十里飛花點玉缸
臘屐去尋芳草路
青絲留醉木蘭艫
山連暮靄迷前浦
雲擁春流入遠江
棹裏橫塘聽一曲
煙波起處白鷗雙

謝榛

送王侍御按河南

塞上初歸復此行
燕南極目送飛旌
天連高嶽寒雲盡
馬渡黃河春草生
簪筆常思未央殿
封章時發大梁城
知君最愛應劉賦
更向西園一寄聲

御選明詩

卷之三

王世懋

謝榛

三

早發坡泉薄暮至太行山下

地分三晉此山川
形勝迢遙在馬前
亂石斜通青草路
太行橫斷夕陽天
漫垂雲氣孤村雨
時聒鄉心幾樹蟬
不及阮宣隨處醉
興來即解杖頭錢

春柳

黃鸝時復喚春遊
陌上楊花漫不休
幾向離筵搖落日
莫教長笛動清秋
輕煙直接都門外
細雨低臨灞水頭
謾繫王孫金絡馬
萋萋綠草有人愁

病懷

鬢髮蕭蕭晝不冠
他鄉風物若爲看
花庭曬藥日將午
茅屋烹茶春尚寒
久別親朋誰問病
深憐兒女自加餐

是非高枕浮雲過遙憶西湖舊釣竿

天寧寺同章景南行人李于鱗比部餞別李伯承明府之新喻

野寺門前楊柳新一尊聊此駐征輪西山物候仍餘雪
南國芳菲更有春楚權正逢歸塞鴈漢雲遙送渡江人
共知陶令還相憶落日匡廬北望頻

冬日雪登鬱孤臺

孤臺突兀樹摧殘此日登臨自鶻冠哀角暮從風外斷
荒山愁動雪中看關河渺渺行人遠吳楚蒼蒼落木寒
醉倚南樓望江北片帆何處是長安

寄懷西谷主人

御選明詩

卷之三

謝榛

三

上黨歸來獨憶君野亭幽事每宵分荷池燭影遊魚蕩
花院棋聲宿鳥聞漳水遠通千里脉洛城高壓萬山雲
于今南北殊修阻回首長吟又落曛

楊參軍次和歸自古北口

淮南高士落人間仗劍經秋未破顏自惜草玄淹歲月
可堪垂白向邊關天橫落照明孤壘地湧黃沙接亂山
長路誰能問行役夜來驅馬雪中還

送客遊洞庭湖

相逢楚客問巴洲此去揚帆湖上遊日月平臨洞庭水
煙霞半入岳陽樓低空白鴈投寒渚隔浦丹楓照暮秋
莫向湘君聽鼓瑟黃陵月冷不勝愁

喜黃實甫至留酌

自別梁園歲幾徂可憐消息斷江湖相逢白髮嗟多少
一醉黃金問有無地接邊關秋氣早樹翻烏鵲月明孤
百年聚散應難定與爾長歌扣玉壺

自述

九江山下三橋水地僻塘回蒼樹遮懶讀亦生書帶草
無憂不種菜蔥花光爭日月惟詩卷暗犯星河有釣槎
麥飯布袍堪自寄百年未了此生涯

送毛明府伯祥去羊城

君今初捧郎官檄此去羊城道路賒海上有雲連蜃氣
嶺南無雪到梅花行春策馬青山近退食鳴琴白日斜
御選明詩

卷之三

謝榛

梁有譽

三

回首風塵迷北望幾逢燕使問京華

留都上邢少司馬

司馬牙璋此日分誰將書劔許從軍論兵曾上平蠻策
奉使寧誇踰蜀文詔下三川新雨露圖開八陣舊風雲
不須頻說東征事只見當年吐哺勤

梁有譽

出郭小園二首

澹澹波光冉冉天汀蒲沙柳共依然驅馳未卜宜瓜地
貧病猶營種秫田杜宇聲殘花似雪鶉鳩啼急雨如煙
朋遊共棄嵇生懶誰掉江湖載酒船

新水斜通浴鷺洲蒼蒼孤嶼鏡中浮黃花未綻江南景

紫蟹先成水國秋，舊路忽驚芳草合。高臺獨上暮雲稠，
郊居豈爲棲遲計。堪笑人間沈隱侯。

春日病起得家書，悵然有感。

苑柳官槐生曉煙，起看佳節倍堪憐。天涯尺素驚殘臘，
客裏分陰似小年。愁病可堪歸鴈後，春心空負落花前。
西山爽氣朝來好，擬把琴尊眺遠天。

送文子還吳

湖海蕭條劍氣孤，吟邊白髮歲華徂。馬卿四壁愁沽酒，
張翰三江擬釣鱸。月下潮聲過建業，雨中秋色上姑蘇。
挂冠余亦滄洲去，遲爾煙霞倒玉壺。

燕京感懷

御選明詩

卷三

梁有譽

言

山翠成圍連積石，河流如帶接崆峒。北巡終協成龍瑞，
南幸曾看飲馬功。綵仗參差垂象外，煙花繚繞畫圖中。
獨憐旅食真何補，帝苑風光自鬱葱。

送莫祠部督學貴州

獻歲星軺出漢京，南中鳥道入雲平。遙經遷史浮湘處，
肯讓文翁化蜀名。戀闕夢懸春署月，登高詩滿夜郎城。
莫嗟萬里風煙迥，攬轡應憐報主情。

登黎氏山樓

樓前山氣日氤氳，偶爲看山一訪君。下榻微風吹石壁，
當歌明月出江雲。斷鴻遠向沙頭落，孤磬低從樹杪聞。
祇道避喧非避世，他時休勒稚圭文。

歐楨伯貽桂樹

嶺嶠空傳入桂林
汝移雙榦自丹岑
高枝寒拂星榆影
側葉晴分若木陰
仙客偶從廬岳遇
詞人謾向小山尋
何如歲晚幽窗下
金粟香飄對苦吟

寄陸子和

江門一別又秋分
何處風煙不憶君
久客衣裳鶉自結
舊遊尺素鴈爲群
十年世路彫青鬢
三歎斯人卧白雲
羽翼南溟最相近
未須重勒北山文

人日東楊子

游子頻年棲漢庭
又看春事落堦瑩
乾坤雙眼逢人日
江海孤槎是客星
病起鬚毛知汝白
愁邊楊柳爲誰青
御選明詩

卷之三

梁有譽

徐中行

五

風煙況復音書隔
向夕征鴻不可聽

徐中行

答孫侍御秦中見懷之作

千里緘書報漢曹
新傳使節在臨洮
西通大宛飛黃入
北上蕭關太白高
沙苑春深饒首蒼
柏亭秋晚醉葡萄
誰知侍從回中後
更有詞臣賦綵毫

題潘中丞留餘堂

勲滿青雲獨晏如
堂開綠野署留餘
非關物理嫌多少
自喜榮名讓太虛
門似于公堪結駟
官仍柱史只藏書
韋平素業君須見
玉樹參差接禁廬

送李使君復守夔州

遷客新彈漢吏冠春風相送使君灘賜環自荷天恩重
叱馭寧辭蜀道難益部星臨三峽曉岷江濤起萬山寒
懸知戀闕情無限永夜遙從北斗看

秋日諸君餞焦山作

破浪扁舟興轉饒憑虛杯酒坐煙霄秋陰曉散千帆雨
海色晴連萬里潮半壁樓臺藏窈窕中天日月避岧峩
青山況有焦君宅白社他年可待招

奉送元相華亭徐公南還

浮雲西北晚暝暝元宰新傳出漢庭薇省天迴三殿紫
布帆秋掛五湖青帝從宵旰思賢佐人向煙霞仰歲星
門下侯芭今白首相逢猶得問玄經

御選明詩

卷之三

徐中行

三

玉女潭

仙臺千尺玉爲容寒照瓊樓十二重石鏡月華流桂樹
錦屏秋色散芙蓉碧霄縹緲春雲度絳雪葳蕤白日逢
更喜洗頭盆尚在便應晞髮卧高峯

黃臺泛舟懷子相

峭壁初開白石灘煙霞百里鏡中看青天瀑挂千秋色
滄海雲垂萬樹寒倚棹芙蓉生暮渚開尊鷗鷺過風湍
愁來却憶維揚客潮落江空賦采蘭

再和袁魯望

匹馬蕭蕭向帝州北風吹雪滿貂裘棄襦自許終逢主
抱壁何妨晚拜侯夜月銜杯燕市裏春雲載筆鳳池頭

相思南望靡蕪綠定有鴻書問舊游

登岳陽樓

天敞平湖萬里臺秋高鴈色照行杯
三湘白石波間動七澤青山鏡裏開
風靜仙人吹笛去月明神女弄珠來
徘徊便擬休餐住俗吏慚非曼倩才

吳國倫

陶尚書邀遊開元寺

自投簪紱下承明尊酒看山鹿
馭輕載客遠隨松徑入尋僧深叩石門行
春衣翠滴諸峯色夕磬清流萬壑聲
梵殿書臺零落盡君家五柳獨含情

寄懷子與

御選用詩

卷之三

徐中行

吳國倫

三

故人幽思白雲同只怪新詩病後工
看菊屐停三逕裏採蓴舟泛五湖東
尺書迢遞緘秋色斗劍憑陵倚暮空
我亦倦遊歸未早可能雙翼比晨風

黃鶴樓

黃鶴仙人去不回漢家樓閣自崔嵬
千帆雨色當窗過萬里江聲入座來
雲夢天低湘女怨洞庭葉下楚臣哀
西風何處聞長笛亂落梅花到酒杯

歌風臺

何年衣錦帝鄉回父老猶能指漢臺
寶劍尚留千古色翠華曾擁萬靈來
沛宮卮酒懽相屬芒碭星辰黯不開
欲問楚歌誰更似大風蕭瑟使人哀

鄱陽湖

欲向匡廬卧白雲官亭水色盡氤氲于山日射魚龍窟
萬里霜寒鴈鶩群浪擁帆檣天際亂星蟠吳楚鏡中分
東南歲暮仍鞞鼓莫遣孤舟逐客聞

送顧季狂方景武赴汪中丞之招

十日山城醉濁醪歲殘猶復攬征袍婆娑贈汝雙龍劍
貧賤驕人五色毫馬上幔亭晴雪擁春來幕府瘴煙高
探奇並倚空同嘯不忝元戎得二豪

將至武夷以詩促季狂併約沈郭二子

武夷明日是中秋遲爾還攜二客遊薜荔巖懸千古月
桃花洞入五溪舟仙人委佩青霞落詞客揮毫白雪流

御選明詩

卷三

吳國倫

三

佳節名山如可負却從何地覓丹丘

過層臺驛

野潦奔鳴石逕斜疎林殘日見田家編籬半護邛王竹
築塢新移望帝花荒徼萬山連蜀道遠人重譯問京華
鄉音斷絕愁如夢何處風高急暮笳

御選明詩卷第八十三

御選明詩卷第八十四目錄

七言律詩十七

魏裳三首

汪道會二首

張佳胤一首

張九一六首

盧柟二首

李先芳五首

吳維嶽二首

歐大任二首

王道行一首

御選用詩

卷八十四目錄

石星一首

黎民表三首

趙用賢二首

李維楨二首

屠隆七首

魏允中二首

徐獻忠二首

陳津一首

黃省曾一首

胡應麟一首

吳旦一首

蔡宗堯一首

楊樞一首

馮行可五首

許邦才一首

韓詩一首

黃尚質一首

丁一中二首

張鳴鳳一首

姚光虞一首

艾穆二首

李贄二首

御選明詩

卷十四 目錄

張邦伊一首

潘緯三首

周錫一首

張之象二首

楊文卿一首

丘雲霄一首

施漸一首

李奎一首

戚繼光三首

張通一首

張元凱四首

陳鶴五首

陳第一首

李言恭三首

呂時臣六首

尤嘉一首

徐渭五首

沈明臣十首

王寅二首

康從理五首

彭年三首

陸治一首

御選明詩

卷十四目錄

居節十八首

周天球一首

御選明詩卷第八十四

七言律詩十七

魏裳

題白雪樓

郢調淒涼思轉幽，卜居還倚鮑山丘。
初疑海氣能成市，不道仙人獨有樓。
乘興好看明月上，登高長嘯白雲秋。
琴心自在誰堪識，且聽巴人下里謳。

送萬章甫兵憲滇南

仙郎擁傳出燕關，開府西南控百蠻。
萬里烟濤青雀舫，千秋詞賦碧雞山。
主恩題柱雲霄上，時難論兵天地間。
春到昆明懷苑幾，回鳴玉共朝班。

御選明詩

卷八十四

魏裳

汪道會

夏夜于鱗山樓

濁酒高樓暑自清，凌雲詞筆意崢嶸。
星辰倒挂青萍色，山水涼生綠綺聲。
賦入甘泉通御氣，人傳河朔見交情。
知君庾亮多幽興，長嘯胡牀坐月明。

汪道會

過王百穀

秣陵三月柳含煙，猶憶城南送酒錢。
雙槳暮潮桃葉渡，一尊寒食杏花天。
江門隔歲書相問，吳苑今宵月再圓。
執手莫須論往事，傷心近廢鵲鴿篇。

重至上陵看花作

春山拄杖獨經過，一路緣原訪薜蘿。
幽處白雲能抱石，

興中黃鳥自成歌桃花流水生涯足籬落衡門古意多
卜築廿年猶未果祇今回首媿巖阿

張佳循

登函關城樓

樓上春雲雉堞齊秦川芳草共萋萋黃看雨後河流急
青入窓中華嶽低客久獨憑三尺劔時清何用一丸泥
登高眺極鄉心起關樹重遮萬嶺西

張九一

自壽春鎮登舟值水勢如海

北走黃河萬頃秋南來淝水蹴天浮蒼茫不辨乾坤色
浩蕩長懸日月流細雨烏啼楊柳岸斜陽人在木蘭舟
御選明詩 卷十四 張佳循 張九一
海門咫尺飛濤接吾欲凌風問十洲

飲周公瑕書齋

山人開閣貯遺經入坐江流挾雨青貰酒也須隨白社
換鷺還爲寫黃庭未逢後載仍漁父似覺前身是客星
獨夜空城秋色滿讀書分得草間螢

題潘中丞讀書堂

毘山千仞洞庭傍更結精廬在上方樹杪女牛雙宿近
階前茗雪二流長春風芳草抽書帶夜月梅花伴遂牀
曾是中丞吟咏處石林一部奏清商

留別趙夢白

娟娟叢竹翠猶飜冉冉微霜白漸繁海上孤槎張博望

尊中十日趙平原江鴻片月寒爭渡朔吹空林晚自喧
知已風塵看汝在那能離別不銷魂

寄見甫弟

歷盡巴山白髮新西風何處不傷神馬曹蹭蹬官難起
烏道艱危老更貧九派長江春後雁一年芳草夢中人
相思況是無消息徙倚天涯涕淚頻

黃陵廟

黃牛朝暮望青春此日維舟白馬津古廟空山存漢碣
屠羊伐鼓過江人九河注海猶稱異三峽開天始見神
應共長年歌賽酒衣裳鱗介仰陶鈞

盧枏

御選明詩

卷十四

張九一

盧枏

李先芳

三

醉後射魚宿羅山人草堂

南射滄溟十丈魚碧潭搖影動清虛太行遠望仙人嶂
淇水斜臨高士居曉傍楓巖留客飯夜歸蘿徑即吾廬
何時共策青藜杖爲覓中山白鹿車

贈羅月巖推府迎侍還萬安

漢京仙客知名早佐郡驚看漳水瀆南楚花明菜子服
西山樹送狄公雲高秋大澤龍蛇隱落日寒江鼓角聞
最是少微干象緯天風先報洞庭君

李先芳

天峯寺同譚少府覽眺

郭外名山碧四圍聯鑣載酒歷山扉千家戶牖分青霽

一曲江流寫翠微日嶠晴雲低古寺海門秋色澹征衣
天峯果在煙霄上坐對長松了道機

宜春臺

春臺獨上俯千家睥睨風高起曙鴉南下萬山連百越
東來一水自長沙青厓竹覆經年雪碧落松盤小洞霞
駐馬荒祠聊借問韓公何事客天涯

雲津送袁生之京

曲水平橋江岸斜雲津門外送仙槎離亭握手愁將夕
遠道逢春鬢易華二月行人折楊柳一年心事問桃花
蘭橈泊處東風遍細雨樓臺燕子家

昌平城樓望居庸關作

御選明詩

卷十四

李先芳

吳維嶽

四

樓外羣山拱帝畿朔雲燕樹晚霏微孤城落日催刁斗
九月微霜浸鐵衣海氣東來千嶂合關門中斷一鴻飛
萬家煙火行營外笳鼓風高塞馬肥

暮春過山莊

山人本性愛山居弭節春遊過草廬短砌雨餘芳草合
小亭風定落花初拂塵下榻驚梁燕開篋抽書走壁魚
更闢巖扉頻灑掃能無長者命巾車

吳維嶽

祈雪齋居

太乙壇開薦禮勤省垣梧竹絕塵氛靈光正想通三極
清漏微聞下五雲窓散爐薰看月淡簾垂竹影坐星分

無才未就豐年頌，祇有齋心奉聖君。

家叔致考功事山居寄呈

窈窕巖阿松桂繁，沙田數畝傍仙源。開尊白石依汀鷺，搗藥清齋引洞猿。花外小車鄰客至，架中紛帙野僮緜。南樓月上村墟靜，醉倚孤琴無一言。

歐大任

伏日姚唯之陸華甫董述夫見過

官舍鶯啼綠樹陰，炎天步履爾能尋。樓前過雨山俱出，階下生煙竹更深。講肆不妨開馬廐，詩篇何必到雞林。酣歌氣與秋空遠，丹壑誰知靜者心。

嶺下酬蔣宋二使君見過

御選明詩

卷八

吳維嶽

歐大任

王道行

五

梅花嶺下幾擔簦，敢向中原論代興。置驛豈期縫掖貴，乘船猶媿孝廉稱。虞廷此日咨州牧，漢相何人起郡丞。聞道長安推轂地，歸朝行見璽書徵。

王道行

呂二山人自上黨以詩見貽却寄

山陰夜雪興何如，客去遙天斷雁書。曾許王生重結轂，未應梁苑倦驅車。林開叢桂香飄席，臺倚千峯草結廬。遲爾憑高一杯酒，漫從張翰問鱸魚。

石星

同穆敬甫舟中作

回首雲深薊北臺，不緣五斗賦歸來。江湖我適扁舟興，

廊廟君終濟世材
寒色侵人鄉夢斷
濤聲入夜錦帆開
平生擊楫成何事
起向燈前歌莫哀

黎民表

祈穀齋居

鈴索無聲樹色寒
集靈臺上拜千官
旌旗夜繞長楊陌
燈火春祠太乙壇
煖入芳郊陽氣淺
月臨青閣曙光殘
揚雄白首玄經在
誰捧雲中玉露盤

送胡翰林懋中冊封襄府

回望金莖雪色間
南行旌節入昭關
長楊羽獵停車待
錦里江山策駟還
風射紫貂憐遠道
月臨青雀夢朝班
詞人已在麀臺上
招隱無勞賦小山

御選用詩

卷十四

石屋

黎民表

趙用賢

六

戴金吾伯常招飲鄭園

禁城秋色淨無煙
碧水澄波帶遠天
十里樓臺通泰時
五陵花木有平泉
風搖柳浪低紈扇
日暮菱歌起釣船
水簟疎簾銷暑地
流塵知不到樽前

趙用賢

恭題皇上所御畫扇

詠鵲鴿葵蘭二花

花鳥芳菲禁苑中
畫圖省識見春風
香飄蘭氣千莖碧
日麗葵心萬朶紅
當暑移來看皎潔
自天題處轉青葱
鵲鴿原上休相急
已荷皇仁祝網同

詠白燕梨杏二花

春城駘蕩日初長
白燕雙飛度苑牆
千樹曉霞迷杏艷
一簾晴雪泛梨香
迴風舞共花爲雨
帶月看來羽作裳
莫向昭陽營舊壘
君王原薄漢宮妝

李維楨

贈別楊元素

才情奕奕少年場
家在河南舊帝鄉
綠樹三山通御苑
青樓十里帶橫塘
銀光紙養芙蓉粉
金鏤衣薰荳蔻香
羨爾紅顏生羽翼
仙人曾授枕中方

立秋日九龍溝觀蓮

徑僻山深事事幽
塵情如洗坐猶相
看菡萏千花色
不受梧桐一葉秋
帶雨香從衣上惹
凌波影入酒中浮
御選明詩

宋全

趙用賢

李維楨

屠隆

七

屠隆

夜飲李將軍帳中

兩行寶炬照華堂
一派笙歌夜未央
戶外高牙明畫戟
燈前小隊舞紅妝
花生步障風光煖
月在簾鉤海色長
大將只今容揖客
不妨沉醉荅青陽

送馮開之太史還朝

三年採藥訪桐君
忍別滄江鷗鷺羣
豈謂金門堪大隱
祗緣玉牒重靈文
河橋柳暗人初去
山店花香夢欲分
甃入紅塵心不染
宮衣猶帶五湖雲

北上彭城別姜仲文

荒城濁酒送斜陽
數起門前指雁行
木葉時時作風雨
星河夜夜在衣裳
坐深熠燿初驚扇
秋冷莎雞半入牀
何物最能關別恨
野橋殘月照清霜

懷嘉則賓父伯翼長文田叔仲初鄭朗諸君

相思公子住巖阿
歲歲衣裳剪薜蘿
水濺山花春屐冷
僧歸湖雨暮鐘多
犬能愛客沿谿送
猿不驚人帶月過
詎用移文心自媿
雲青沙白奈君何

夏夜泛舟青谿得東字

千家隱隱夕陽中
一葦蕭蕭浦淑東
疎樹晴搖樓映水
斷霞初散月當空
花明子夜驕華燭
簫咽中流度冷風
欲繼清歡遲三五
芙蓉閒向酒杯紅

御選明詩

卷六

屠隆

魏允中

八

范司馬園

秀木扶疎衆草齊
開殘紅藥半香泥
鳥窺青嶂平湖入
人倚珠樓落日低
曲竇暗通花逕外
垂楊橫過石闌西
坐來麋鹿深深見
不是桃源路已迷

新鶯

初來閣外弄春暉
上下花間試學飛
小語未全調玉管
薄寒深自護金衣
龍池萬柳棲應怯
紫殿千門見總稀
九十韶華愁易老
啼殘紅藥綠陰肥

魏允中

雨餘樓望懷先賢李于鱗

平陵蕭瑟不勝情
落日登樓鬱思生
遠樹澹含千嶂雨

春陰輕散萬家城，曲終白雪今無色。人去青山尚有名，三十遊齊吾愧晚。從誰染翰一縱橫。

送康裕卿寄暘谷先生

授簡風流滿洛陽，青春遊子倦思鄉。桃花尚記當年宅，荷葉堪爲卒歲裳。九曲暮雲連雁宕，片帆秋雨落錢塘。吳門驄馬深相憶，錦字遙憑寄八行。

徐獻忠

金陵

南朝王氣昔分明，盛業千年始作京。春樹久迷江總宅，寒江長傍秣陵城。三山落日明秋練，六苑輕風動早鶯。聞說高皇初駐蹕，闕江麾蓋定專征。

御選明詩

卷十四

魏允中

徐獻忠

陳津

九

丁酉北上同年馮南江將赴雷陽追餞吳門即

席賦謝

仙槎摇曳闔閭城，惜別那堪鴻雁情。千片鮫冰同棹發，五湖龍氣逐船生。陽春北指江關賦，化國南通瘴海程。此夜相看渾不寐，霜風吹動欲宵征。

陳津

燕子磯

燕子何年集釣磯，春風不見舊烏衣。空餘芳草迷前浦，長自寒潮送落暉。刺眼野桃臨岸發，多情山鳥傍人飛。獨慚白髮紅塵客，此日披襟對翠微。

黃省曾

虎丘詠

芙蓉近倚闔閭城，眺閣觴樓逐勢成。
珠寺翻爲歌舞地，青山盡是綺羅情。
巖花吐學紅妝麗，谷鳥啼兼鳳管聲。
十里垂楊芳草岸，四時常映彩舟行。

胡應麟

贈觀察馮元成

把袂秋風白苧涼，壚頭猶記舊清揚。
談兵武畧雄三署，校士文名擅八荒。
得句乍逢天姥客，飛書曾懾夜郎王。
那堪後夜河橋別，落月啼烏上客航。

吳旦

秋夕城闈納涼

御選明詩

卷之

黃白曾

胡應麟

吳旦

一

同遊冠蓋晚相招，澤國山川正次寥。
官閣迴臨秦代壘，女牆斜帶越江潮。
流螢草細風先動，繞鵲枝長露易飄。
多少高樓人不寐，碧天涼月夜吹簫。

蔡宗堯

感詠

海國涼生吹雨花，西門十里即天涯。
山銜落日孤雲細，林著疎風翠篠斜。
湖海壯心驚白首，廟堂清議屬烏紗。
洛陽年少空前席，賓客梁王憶漢家。

楊樞

贈馮南江侍御謫戍雷州

此去雲山應萬重，天心原不負孤忠。
欲令宋室還唐介，

先使雷陽識寇公火後自當分玉石眼前且莫論雞蟲
征帆落日斜塘路搔首頻看劍倚空

馮行可

泛白龍潭

百頃寒潭依古寺隔林風景樹蒼蒼天連野水平橋綠
雲度谿陰拂袂涼飛閣層層懸鳥路晴沙淺淺沒魚牀
由來此地春偏好兩岸蘼蕪綴夕陽

泛泖

浮屠十丈枕平川浪湧珠光日倒懸客泛星槎疑入漢
僧耽水觀不知年曉霜楓葉明村市暮雨蘆花失釣船
浣盡塵纓心境寂鐘聲忽逗半江煙

御選用詩

卷十四

楊樞

馮行可

二

吳山大觀亭

選勝登臨興自豪披襟對酒咏離騷坐來湖影搖空碧
嘯入江聲作遠濤靈氣常通三竺近浮雲忽斷兩峯高
秋風桂子雲中落時見天香滿客袍

湖上逢故人

與君吟賞十年餘博雅翩翩是我師懸磬由來無長物
攜筇到處有新詩煙霞自足幾兩屐日月頻驚雙鬢絲
湖外青山湖上月不妨潦倒桂花卮

望湖亭

特立孤亭隱翠微空山春早客來稀望深煙景堪投策
坐久嵐光欲染衣赤鯉驚看牽藻去白鷗閒自傍人飛

芳洲杜若應思採那得扁舟繫釣磯

許邦才

于鱗宅送江山人

良夜琴尊興不孤蕭然行色借山湖天涯芳草思公子
雪後春風戀酒徒那惜十千供舉白從來百萬判呼盧
河橋楊柳誰堪把况復梅花正滿途

韓詩

小齋即事

小齋寂歷似山居池上逍遙與世疎盡日不通門客刺
經春嬾報故人書捎簷細竹含風響繞榻輕雲過水虛
願得郡中無一事十年不調更何如

御選明詩

卷十四

許邦才

韓詩

黃尚質

十三

黃尚質

再過半山堂

春風重過半山堂依舊千峯入坐蒼更有好花明後院
旋添新竹蔭虛廊畫圖想像摹雲谷詩句糝糊認雨牆
却怪山禽似相識向予啼上卧龍岡

丁一中

九日江樓逢琴上人

重陽晴色滿江樓偶爾逢僧愜醉遊黃葉漫同塵事轉
青樽遙對楚江流波光東接滄洲遠山色西連灑澗秋
誰謂羈懷銷不得此中登眺足忘憂

遊武夸九曲靈峯觀

溪窮九曲日初斜更躡靈峯觀裏霞華髮衰顏還世路
碧桃脩竹自仙家雲深紺殿晴猶潤春暖瑤壇晚亦花
便擬重尋遼海約翩然時泛武夸槎

張鳴鳳

留別黃門周公

清時落拓媿無能何事高人獨見稱朝議遽寬重謹吏
聖恩因借六安丞雲山曙色催行李秋渚離心醉采菱
夢裏亦知雙闕路幾回深夜悵殘燈

姚光虞

送周國雍守順慶

使君千騎擁朱幡此去誰云蜀道難列郡分符虞岳牧

御選明詩

卷六

丁一中

張鳴鳳 姚光虞

三

前驅負弩漢衣冠溢城月色揚舲渡巫峽濤聲倚劔看
行矣外臺今不薄循良卿相滿長安

艾穆

奉和岳州張兵備

握蘭虎署爲郎日意氣相看獨有君擊節幾談天下事
建旄今領水犀軍幕中說劔雙龍動樓上停雲七澤分
秋色滿湖吟眺足銀魚何苦碧山焚

寄懷沈純甫戍金沙

衡陽那見雁飛回庾嶺梅花幾度開謫後沈郎應更瘦
調同楚客不勝哀金沙潮落珠光動銅柱風清海月來
君在瘴鄉偏逸興新詩能爲故人裁

李贄

宿天臺頂

縹緲高臺起暮秋，壯心無奈忽同遊。
水從霄漢分荆楚，山盡中原見豫州。
明月三更誰共醉，朔風初動不堪留。
朝來雲雨千峯閉，恍惚仙人在上頭。

江上望黃鶴樓

楓霜蘆雪淨江煙，錦石遊鱗清可憐。
賈客帆檣雲裏見，仙人樓閣鏡中懸。
九秋槎影橫清漢，一笛梅花落遠天。
無限滄洲漁父意，夜深高咏獨鳴舷。

張邦伊

沈嘉則有三楚之遊席上得分字

御選用詩

宋西

李贄

張邦伊

潘緯

四

春城斗酒惜離羣，把袂高歌到夕曛。
地入衡廬三楚盡，天迴襄漢九江分。
停舟夜聽湘靈瑟，倚閣朝寒鄂渚雲。
知爾尚平家累淺，逢人勝事好相聞。

潘緯

春日官莊

幽居近喜卜東溪，遠市依依隔水西。
隄柳漸迷來客駕，山花自發野人蹊。
遊魚晴戲陂塘暖，雉雉朝飛壟麥齊。
更好林鶯聽不盡，雙柑斗酒日勞攜。

出郊與黃吉父言別

策蹇出都俱莫問，笑彈長劍對銀釭。
虛傳郭隗臺千尺，誰賜虞卿璧一雙。
林下放歌俱白首，門前把釣有滄江。

也知西掖還東閣且趁南風卧北窓

應制賦禁中柳絮

日暖長楊露乍晞樓臺無處不霏霏
纔隨漢苑春風起忽作梁園暮雪飛
素上花生供奉筆墀頭影落侍臣衣
不因賦質輕微甚那得吹噓到禁闈

周錫

吳門夜泊

谷口揚帆風正急野亭雲木雨霏霏
晚來城郭維舟穩老去湖山見面稀
十里煙光開疊嶂兩崖樓閣帶斜暉
夜深欲傍寒山寺依舊鐘聲落翠微

張之象

御選明詩

卷八

藩緯

周錫

張之象

五

還山留別仲文作

相期意氣欲凌虛旅舍春風厭索居
末路但存三寸舌明時不用百家書
昆丘窈窕思棲鶴谷水清冷憶釣魚
日暮干將拋酒市生平結客似專諸

遊馮廷尉廻瀾臺

關西誰築此層臺屹立中流亦壯哉
白浪勢從天末瀉紫霞暉傍日邊開
古丘百里蟠龍護華表千年化鶴來
形勝有餘思罔極至今風柏助悽哀

楊文卿

秋日送曾公子實卿之延安

車馬翩翩送汝行離愁遽逐海雲生
三杯籬落菊花節

一路蛩螢豆葉聲
荒草濁河連古戍
悲笳明月動山城
鯉庭趨後勞相報
婚嫁如今累尚平

丘雲霄

北固山江望

偶來結東成登眺
獨立蒼茫散暮愁
地入秦淮千嶂出
天分南北一江流
潮隨返照衝長島
鳥入深雲是故丘
自信久無蕉鹿夢
浮名應愧釣魚舟

施漸

春日過長蕩湖野望

不因脩禊過春山
誰得澄湖一望閒
頓覺塵心空水上
偶逢漁父語沙間
幾多沃野桑麻蔽
半是荒畝雁鶩還
御選用詩

卷八

楊文卿

李奎

丘雲霄

施漸

十六

日夕微茫僧問渡
雙峯寂歷掩禪關

李奎

詠湖上新柳

依依弱柳不勝春
裊裊垂條向水濱
奈可輕盈愁少婦
豈堪攀折贈離人
煙消翡翠眠初起
風折鴉黃舞乍新
猶喜芳心未成絮
肯將眉黛向人顰

戚繼光

三屯新城工成志喜

受降新築壯三屯
燈火遙連十萬村
障燧層巒秦作塞
風雲大陸薊爲門
東迴地軸山河固
西擁天關宮闕尊
百二城邊過質子
千秋同戴漢家恩

伏龍寺

梵宇蕭條隱翠微，丹楓白石靜雙扉。
曾于山下揮長戟，重向尊前醉落暉。
衰草尚迷遊鹿徑，秋雲空鎖伏龍磯。
遙看滄海舒孤嘯，百尺仙橋一振衣。

塞外觀音巖

朔庭喜見戰塵收，石洞思從大士遊。
不道受降唐節度，何如奉使漢通侯。
天垂臺觀三千里，雪染顛毛四十秋。
短劍蕭森心尚赤，班超獨倚玉門愁。

張通

遊西林菴

野寺蕭條一徑微，山僧相見語禪機。
雲深石洞玄猿伏，御選明詩卷十四 咸繼光 張通 張元凱 七
煙鎖松林白鶴歸，上界疎鐘通碧落。
邊城鼓角送斜暉，浮生自覺渾無定，欲解鳴珂問釣磯。

張元凱

西苑

曲房宣室自逶迤，聖主中宵正受釐。
湛露曉凝千片玉，甘泉春長九莖芝。
鳥棲御宿啼偏早，花近朝陽落故遲。
自識萬幾宵旰切，望仙臺下草離離。

索居

自憐多病強加餐，里巷浮湛罷據鞍。
懷舊十年蓬鬢改，傷春三月落花寒。
志酬投筆元非易，事到持杯便不難。
敢謂閉門深避世，亦知門外有波瀾。

江上遇蔡都尉

同是窮途歎數奇，鷗冠凋敝不勝悲。
孤蓬夜雨天涯淚，老驥秋風塞外思。
去國一身渾似夢，歸家雙鬢各成絲。
長安記得相逢日，正是桃花飲馬時。

贈建平潘子會

潘郎星鬢尚朱顏，爲卜郊居已賦閒。
爾汝孔融多綠酒，比鄰謝朓有青山。
濯纓水上遊魚過，高枕花間宿鳥還。
敢向宦途論巧拙，清時唯有閉柴關。

陳鶴

金子坤話別

驛路孤亭舍落暉，綠蕪風暖燕頻飛。
城頭潮上酒初歇，御選明詩

卷十四

張元凱 陳鶴

大

江畔月明人獨歸，才滯莫疑天道遠。
路貧方覺世情非，淒涼十二年來事。
惟有臨歧淚染衣。

曹娥江寄京口諸友人

曹娥江上浪如花，數幅蒲帆過浦斜。
煙際亂山明落日，樹中古廟帶殘霞。
乾坤故舊勞魂夢，客路星霜換歲華。
鳴雁滿天無信息，相思一夜遍天涯。

卧病雙溪山館見月寄張有功

溪邊桑柘映雙流，病裏蕭條賦四愁。
坐雨幾宵方見月，別君一日已成秋。
山深倦鵲猶依樹，風靜飛螢自上樓。
託迹文園須共遣，莫因鄉國歎羈留。

炎居苦俗因入蕭山養病張子成郊園

炎天病起厭逢迎，借爾深山且避名。
偶對野翁忘出處，暫隨農侶話陰晴。
林猿乞果時穿木，海月窺人夜過城。
賴有流泉能灌圃，隔窓時見藥苗生。

旅館病起奉寄近山白崖諸公

新橋客舍俯橫塘，柳色千門路轉長。
却病且須辭酒伴，習閒還欲借僧房。
日高花氣蒸書案，風過潮聲到石牀。
巷陌春深芳草綠，故人車馬在何方。

陳第

追懷宜黃大司馬譚公

昔年飄泊入燕京，制府憐才意不輕。
獻策獨過司馬署，分符旋赴薊州營。
砥誇相國知韓信，無復功臣妬賈生。

御選用詩

朱介四

陳鶴

陳第

李言恭

一元

秋草春風今日淚，不堪回首楚江城。

李言恭

送仲弟南還有懷老親

無限離愁匹馬前，況多風雨斷鴻邊。
板輿未得歸潘岳，春草何堪送惠連。
伏枕夢回滄海月，登臨望極白雲天。
飄零若見高堂問，雙鬢休言異昔年。

李僉憲招飲黃鶴樓

勝地慙非作賦才，清尊今向大江開。
當年黃鶴雲中去，何處梅花笛裏催。
風起潮聲喧島嶼，日斜帆影上樓臺。
相逢俱是他鄉客，衰草淞陽漫復哀。

別單竹樓還金陵

幾年作客共湘川君去秦淮獨惘然數幅征帆秋水渡
一聲鴻雁夕陽天從今不下延徐榻何日重來訪戴船
吳地故人如有問鄉心常在月明前

呂時臣

金陵雨霽登吳子充長吟閣次韻

五嶽窮搜老未閑長吟此日共躋攀相逢到處俱爲客
大隱明時不在山絳闕春深煙樹碧石城雨過草花斑
六朝事業漁歌裏江上浮雲自往還

憶環溪草堂託張公子寄雲間沈大叅

白苧當年憶勝遊芳尊早暮共登樓秋風故國張公子
明月雙溪沈隱侯花氣尚憐吟處醉江聲不斷別時愁
御選明詩 卷之四 李言恭 呂時臣 二

吳淞水煖鰕魚美何日重來泊釣舟

遊吳山寺同程教諭沈嘉則父子次韻

拂衣直上百盤梯客自忘言鳥自啼萬里潮聲迴玉壘
四圍山色護璇題僧來竹下風初動帆過峯前日欲低
不是春深武陵處碧雲芳草也能迷

京口望揚州懷吳原柏沈肩吾

隋宮梁苑暮雲遮淮水淮山煙樹斜隔岸雨晴飛燕子
渡江風煖散楊花多情季札常爲客抱病休文未到家
我亦飄蓬無所寄祇將詩酒報年華

過內鄉縣奉懷荆南主人

乍聞人語覺殊方萬壘山溪出內鄉夢裏瀟湘雲縹緲

望中函谷樹青蒼，衰年不得爲秦贅。多病猶堪學楚狂，囊底餘金曾賣賦。今人到處說元王。

雨中渡錢塘留高文中宅出新詞譜以侑觴

碧雲芳草滿天涯，相見應憐歲月遲。半夜開尊留客處，片帆帶雨渡江時。青蓮許結山中社，白雪教傳郢上詞。且醉且歌休問訊，浪遊原不計歸期。

尤嘉

送劉山人往太原謁梁李二使君

平原日落雁聲寒，送子西遊歲欲殘。共惜異鄉裁別賦，更于何處解征鞍。山橫熊耳尖如削，路遠羊腸曲似盤。自是陳蕃能下榻，匣中長缺不須彈。

御選明詩

卷十四

呂時臣

尤嘉

徐渭

主

徐渭

道場山贈棲雲禪者

古塔臨風寶閣欹，雲峯上去路逶迤。山田穫稻僧人出，湖水行舟落葉移。風靜鳥翔施飯石，日斜魚聚放生池。遠公心地元無住，却共飛雲此住持。

寓穿山感事

荒城臨海一山圍，何事東方滯袞衣。曉日每看牙將集，秋風自送遠人歸。霜寒戍草嘶征馬，潮落江門露釣磯。欲請長纓何處是，且尋酒伴扣荆扉。

從少保公視師福建抵嚴宴眺北高峯同茅大

夫沈嘉則

晉公雅望復英姿坐領樓船遠視師夜半自平淮蔡日
秋深同上華山時昌黎侍裴晉公征淮蔡偕遊華題名軍營列岸江全遶騎火
穿林席屢移却說陪遊賓從美不妨帳底有風吹

九月十六日遊南內值大風雨歸而雪滿西岫

矣石橋魚龍百族巧甚云是西
洋物乃三寶大監取歸者

寶樹瓊臺夾梵輪星壇月宇詎非神從來天上遊俱夢
說向人間恐未真風雨故梢銅網翼魚龍欲活石橋鱗
尋詩正是迴驢處忽面西山雪照人

蘭亭次韻相傳蕭翼竊蘭亭記
掀閱百花一時盡開

長堤高柳帶平沙無處春來不酒家野外光風偏拂馬
市門殘帖解開花新鶯曲引諸溪水舊寺巖垂幾樹茶
御選明詩卷十四 徐渭 沈明臣
回首永和如昨日不堪悵望晚天霞

沈明臣

馮咸甫赴燕臺賦贈

梅欲生香柳未黃孝廉船入潞河長燕臺金埒收騏驥
海國丹山起鳳皇雪裏江花猶刺眼雲間煙樹莫迴腸
東風漸暖長安道馬上聽鶯出禁牆

黃山道中

短服新將薜荔裁碧山無地著塵埃陰崖霜老路常滑
幽澗花遲寒自開楓葉亂隨人影下松濤遙雜水聲來
千迴萬轉皆仙徑麋鹿相逢不肯回

雨後書事訊文長記室

江鄉無盡燕雛飛，越水仙舟歸未歸。
花事幾番風雨後，故人三月信音稀。
極天戍草嘶邊馬，並海雲山雜卉衣。
愁思滿前惟欲睡，郊原白日掩荆扉。

出姚江

地迴句餘客路紛，半晴秋色一帆分。
雨中黃葉移江樹，天外青峯失暮雲。
流水無情人遠去，長空不盡雁初聞。
自憐白髮猶爲旅，豐草憑誰領鹿羣。

再賦宛在詩

一天秋水詠蒹葭，渺渺輕煙帶晚霞。
只隔片雲如萬里，直隨飛鳥盼孤槎。
錦帆青入吳山影，畫鷁紅分楚澤花。
遙聽棹歌何處歇，應同明月到長沙。

御選用詩

卷十四 沈明臣

三

送徐孟孺應金陵秋試

片帆西去五雲飛，春水如天沒釣磯。
十里芳洲迷白鷺，幾家新燕認烏衣。
桃花媚客歌扇芳，草留人斝玉扉。
月色清溪秋夜永，馬蹄輕踏翠香歸。

重過錢子愚園中用壁間韻

重來却怪舊遊稀，綠滿郊原杏子肥。
翠幄晴驕微雨色，青溪陰借夕陽輝。
花藏數蝶驚人散，燕領雙雛傍客歸。
一夜鄉心生白髮，越王臺下杜鵑飛。

顧仲方園中留別同張玄超莫雲卿殷無美分

冬字

片帆東去水溶溶，敞盡春袍憶舊冬。
知己天涯幾行淚，

隣僧江上數聲鐘到家楊柳當三月別處芙蓉是九峯
爲汝相留猶未發燭花今夜故重重

從大司馬胡公過睦州道中即事呈徐文長記
室

孤城全在翠微間九疊屏風繞郡環紅樹作花歌粉堞
白雲如畫寫青山戴村人共秋空遠巖瀨潮隨暮雨還
自笑無才趨幕府也從車騎得乘閒

顧晉卿席上聞其弟益卿憲副南越之捷喜而
賦之

廿年豺虎劇縱橫百粵遙傳一日平再睹樓船橫海出
更標銅柱伏波名天青馬嶂春銷甲雨過龍川夜洗兵
御選用詩
卷古 沈明臣 王寅
誰道虎頭非將種請纓原只是書生
三古

王寅

春社前三日送兄惟明之淮南

山村賽社濁醪醇分取餘觴勸醉頻弱柳初黃難繫馬
嬌鶯新轉似留人去程姑浦逢寒食到日雷塘屬暮春
故舊相知如有問長竿今已學垂綸

吳山秋晚

有客閒居無奈閒爲看秋色一躋攀百盤細草斜陽路
三曲澄江隔岸山野寺最宜紅葉後孤鐘偏在白雲間
賞心又得逢僧話此後幽期數往還

康從理

黃河夜泊

燕雲朔雪路千重飛藿關河歲暮蹤日落帆檣隨雁鷺
夜寒衾枕傍魚龍鄉書寂寞天涯淚客鬢蕭騷鏡裏容
斷岸蒹葭風雨急一燈孤影聽疎鐘

吳門逢吳孝甫

握手天涯問釣磯別情歸思兩依依年華共老芙蓉劍
生事孤憐薜荔衣雁外清砧侵坐急霜邊殘葉傍愁飛
十年岐路懷君意一入青山會轉稀

同王必漸言懷

江頭木落雁初飛客子傷心賦授衣鄉夢不緣千里隔
浪遊空說半生非雲山是處堪招隱塵海何年可息機

御選用詩

卷之四 康從理

三五

漫向天涯愁極目幽懷已負北山薇

懷顧太學

登樓風雨暮蕭蕭久客離魂黯欲消楚樹吳雲春寂寞
塞鴻江燕歲迢遙新愁芳草天涯路舊事梅花月下簫
今日分飛悲萬里憑闌搔首思無聊

送陳京兆致政還白下

挂冠東去共稱賢天外浮雲意渺然不是逢萌因世難
祇緣弘景嗜神仙琴中白雪驚人調江上青山負郭田
無限長干花柳色春風不乏杖頭錢

彭年

祠部五臺陸公請告歸省却寄

欲事空王賦遂初道心如水淨涵虛歸航更挾浮杯侶
輕橐惟衰譯貝書帶月攜琴投野寺乘風看竹訪幽居
秋蔬春茗供談笑謝客高情白社餘

叔平山居

一曲谿山似輞川天開幽境與棲禪堤分柳浪煙中遠
峯矗芙蓉水上妍不斷香風吹寶殿有時花雨墜珠筵
還憐假榻清秋夜數盡漁燈廢客眠

次韻魯望于公瑕宅觀舞有贈

晚風吹拂暑煙收曲宴重開醉客留竹外雲來疑昨夢
花前月出浣新愁驚鴻妙舞情偏逸雛鳳嬌歌韻轉悠
綺席瑤屏圍疊嶂恍然身在閩風樓

御選用詩

卷八回彭年

陸治

居節

三六

陸治

治平寺納涼

竹根雨過石苔斑鐘梵蕭然晝掩關坐愛微涼生碧殿
忽看飛雨失青山雲分暝色來天外風卷潮聲落樹間
最是晚晴宜眺聽夕陽橫抹蓼花灣

居節

夢遊仙四首

水精小殿玉勾闌鯨甲風生隨處看四面簾垂常不夜
六銖衣著豈知寒翠衿鳥語如鸚鵡紅樹花開似牡丹
報道雙成娘子到麻姑有信問平安

一緘雲札早相邀去聽嬴家弄玉簫臺倚鳳皇花不謝

車將翡翠路非遙
夜珠似水鮫人淚
春服如水織女綃
薤酒千杯未成醉
赤闌橋外上秋潮

一葉悠悠太華蓮
近來弱水亦勝船
春寒不上三珠樹
海氣嘗生五色煙
金鳳矮牋邀翰墨
赤龍小輦載神仙
自從曼倩偷桃後
花已重開今幾年

朱樓翠閣碧桃花
花底春雲擁路斜
藍水有田皆種玉
赤城無樹不飛霞
珮環猶自憐交甫
條脫何緣贈綠華
惆悵劉郎易歸去
重來何處覓胡麻

秋日

槿花委露渚蓮愁
無復紅妝蕩小舟
濃淡雲山堪入畫
蕭閒門逕自宜秋
當時載酒人如鶴
昨夜吹簫月滿樓
御選明詩卷八十四 居節
鴻雁欲來江欲冷
白蘋風起思悠悠

聽雨遣懷

一番秋事老芙蓉
蕭蕭颯寒生暮雨
餘村巷犬聲如吠豹
鄰家燈影有歸漁
重陽酒熟萸初紫
五柳霜清葉未疎
賣賦虛名吾豈有
向來多病似相如

暮歸書事

竹溪蘿徑自幽清
片片山衣細靄生
薄暮園廬半煙火
高原禾黍正秋晴
遙看綠酒懸帘賣
未辦青錢拄杖行
新月柴門牛背笛
澹雲紅樹總詩情

初春書事

青蘿小屋綠莎牆
臘後梅花已試香
一斗東鄰買桑落

千金北客問干將讀書研破魚生釜卧雪齋虛月到牀
欲識溪頭春幾許新波新柳似鵝黃

對雪

老樹荒村鳥雀稀隔溪茅屋午煙微黃雲壓地門深閉
積雪滿山樵未歸一樹梅花閒覓句十年湖海歎無衣
釣魚却憶披蓑客小艇寒江興不違

舟行書事

滄江無數白鷗羣欹枕漁歌杳杳聞斷港淺浮消雪水
薄陰微歛護霜雲雞鳴漸覺人家近木落遙看浦溆分
茶竈筆牀舟一葉布帆影裏見斜曛

舟中夢後月明江清悵然有懷

御選用詩

卷八十四 居節

三

月吐青山夜四更夢回酒醒正寒生滿空霜色白于雪
繞枕江流細有聲蠶繭紙新教寫字龍香火煖聽吹笙
少年場上春遊騎封水桃花舊日情

穀日感懷

穀日條風喜及晴東臯南隴已春生少從劔客遊三輔
老傍田家卜五行衣食有端終歲計江山信美故園情
蹉跎十畝桑陰地慙愧花林鳥勸耕

無題

力薄慵梳十八鬟夢回誰與說雙鸞兒酒嫩堪成醉
雲母屏涼不障寒芳草都從行處長春山豈是畫時殘
金魚牋紙迴文句昨夜燈前仔細看

春寒

重樓燕子隔天涯五柳陰疎未聚鴉十日春寒淹雨雪
幾番風信到梨花橫塘水長聽鶯處小巷泥深賣酒家
多少朱門咽弦管沉香火底按琵琶

夢後作

酒醒天涯春幾分綠琴惆悵昔年聞海棠無信作寒食
夢兩何心入斷雲石竹短襦留半臂秋香小字記雙文
潯陽江上潮難到此夜花前忽見君

春日有懷

柴門春水浴沙鳧嫋嫋垂楊短短蒲花勒淺寒迎燕子
雨將新綠入蘼蕪焚魚學士誰招隱放鶴仙人不可呼
御選明詩 卷八四 居節
欲聽黃鸝過橋去隔煙小鳥喚提壺

晚晴簡姚伯容

曲薄斜扉帶遠林鶉鳩啼徹晝陰陰兩催春色二分過
水長桃花十尺深江上片帆斜日影天涯芳草踏青心
料君閉戶焚香處道性知來為聽琴

仲夏閒居

樹底柴門不浪開松釵竹粉半青苔綠分田水新栽稻
黃入園林已熟梅小艇送僧籠鶴去片雲載雨過湖來
夕陽山好詩難就夜合花前費討裁

周天球

北歸客至述懷

脫跡風塵少自寬對君杯酒話更闌去天尺五終非近
行路尋常總是難解佩尚餘孤劔在探囊不問一錢看
秦階星斗時時合綵筆于今未易于

御選明詩卷第八十四

御選明詩

卷八十四 周天球

三

